

Izlaz za nezaposlenost u BiH

U europskim zemljama 14 miliona ljudi je zaposleno kroz socijalno poduzetništvo, kazala je Ninković-Papić

Socijalno poduzetništvo je veoma aktuelna tema, te se trebamo okrenuti prema tome, jer je to izlaz za nezaposlenost i siromaštvo posebno ranjivih i ugroženih kategorija. Primjer da je 14 miliona ljudi u europskim zemljama zaposleno kroz socijalno poduzetništvo govori da je na neki način budućnost u tome, kazala je Ranka Ninković-Papić, direktorica Fondacije za socijalno uključivanje BiH na jučerašnjem Sajmu socijalnog poduzetništva u Sarajevu.

Sajam socijalnog poduzetništva je jedna od aktivnosti zagovaračke kampanje Donošenje novih politika i mjera u oblasti socijalnog poduzetništva koju Fondacija za socijalno uključivanje u BiH, Inicijativa



Stvoriti povoljno okruženje / BENJAMIN BEŠIĆ

za bolju i humaniju inkluziju i Koalicija marginalizovanih grupa u BiH - KOMA provode uz podršku

Američke agencije za međunarodni razvoj (USAID).

- Cilj ovog sajma je spajanje

komercijalnih i socijalnih preduzeća, odnosno društveno-odgovornih firmi koje su se odazvale i deset preduzeća koja u praktičnom smislu rade sa marginaliziranim grupama. Mentori iz kompanija mogu pružiti određene savjete kada je u pitanju uspostavljanje te saradnje, kazala je Ninković-Papić, istakavši da zagovaraju stvaranje povoljnog okruženja za razvoj socijalnog poduzetništva.

Na ovom jednodnevnom sajmu učestvovala su preduzeća organizovana u partnerstvo i to Universal Design-Tingea, 3 Down - Clean Kakanj, TMP-Vispak, Apel Promet-Fiskus, Lotosice-Ami galerija, Transfer Print-Sprind, Patriot Bijeljina-Euro Asphalt, Proreha-Akova, Kaldrmica-Green Way, Funky Guerrilla-ICBL.

M. R. R.